

00 12



1. Mathesij Joh. / yndigtan von
diese am 00 bhr Mart. Lutheri, 1570.
2. Celestini s. Joh. / yndigtan der
oo in Sacramentier gleicher
3. Däiff. Joh. / Abhandlung von S.
Abhandlung 1579.
4. Gesen Joh. / Lauff yndigt yndigt
Bemh von Anhalt. Mittemb. 1571.





do

[Faltbl. spätes vorgezeichnet!]

die

2

3

4

Faint, illegible text, possibly bleed-through from the reverse side of the page.



4

Kurtz Bekenntnis

Doct. Mart. Luthers / vom
heiligen Sacrament / im 1544.
jar erstlich im Druck
ausgangen.

Wider die alten vnd neuen
Sacramentschwermere.



Wittenberg.

Gedruckt durch Hans Lufft.

1 5 7 4.

Antiquarische Bibliothek

der Universität zu Halle

1774

in Halle

ausgegeben

Vertrag zwischen dem

Verleger und dem



Vertrag

zwischen dem

Verleger und dem

schreibt / vnd Scipio der Epicurus / selig vnd heilig
sind mit den Patriarchen / Propheten vnd Aposteln
im Himmel / So sie doch nichts von Gott / Schrift/
Euangelio / Christo / Tauffe / Sacrament / oder Christ
lichem glauben gewust haben? Was kan ein solcher
Schreiber Prediger vnd Lerer anders glauben von
dem Christlichen glauben / denn das er sey allerley
glauben gleich / vnd könne ein iglicher in seinem glau
ben selig werden / auch ein Abgöttischer vnd Epicurer /
als Numa vnd Scipio?

WEil nu in diesem Büchlin Zwingel nicht al
lein vom Marburgischen vertrag (Ja denselbigen mit
ernst nicht gemeinet) abgefallen / Sondern viel erger
vnd gar zum Heiden wordē ist / vnd doch die Schwer
mer / seine Gesellen / solch Büchlin (darin auch viel
mehr Grewel stehen) loben vnd ehren / Hab ich auch
alle meine hoffnung von irer besserung faren lassen /
Vnd sie so gar aus der acht gelassen / das ich auch
nicht habe wollen wider solch Büchlin schreiben / noch
mehr für sie beten / Weil ich gesehen / das alle meine
vorige schrifften vnd vermanung / dazu meine Christ
liche liebe vnd trewe zu Marburg erzeigt / so übel an
gelegt / vnd so schendlich verloren sein mussten.

WD nu aus solchs vertrags geschrey /
oder sonst jemand gehört oder beredt were /
das ichs mit den Schwermern hielte / vnd
der Sachen eins weren / Den bitte ich lauterlich vmb
Gottes willen / wolte das ja keines wegcs glauben. Da
behüte mich Gott für / wie er bis her gethan / das ich
mit meinem namen solte wissentlich / den allgering
sten Artikel der Schwerner decken oder stercken. Den
auch zu Marburg / wir nicht in einem einigen Artikel
zu inen

zu jnen traten / Sondern sie begaben sich zu vns in al-
len Artickeln / on des Sacraments Artickel (wie der
Zedel gedruckt weiset) welcher (wie gesagt) bleib ste-
cken / auff hoffnung / Er solte auch endlich folgen / Aber
wie diese hoffnung geraten ist / hastu jzt gehört.

Viel lieber sage ich / wolt ich mich hundert
mal lassen zureissen oder verbrennen / ehe ich wolte mit
Stenckefeld / Zwingel / Carlstad / Ecolampad / vnd
wer sie mehr sind / die leidigen Schwermer / eins sin-
nes oder willens sein / oder in jre Lere bewilligen.

Denn ich dencke noch wol / stehet auch noch in jren
Büchern / wie gar vber aus schendlich sie vns mit
vnserm lieben **HERRN** vnd Heiland lesterten / hies-
sen in einen gebackten Gott / einen brötern Gott / einen
weinern Gott / einen gebratenen Gott / etc. Vns hies-
sen sie / Fleischfresser / Blutsouffer / Anthropophagos /
Capernaiten / Thyeftas etc. Da sie doch wusten / das
sie dem **HERRN** vnd vns / mutwilliglich / vberaus
lesterlich vnrecht theten / vnd schendliche Lügen vber
vns ertichten / Welches ja ein gewis zeichen war / das
kein guter Geist in jnen sein kundte. Noch liessen wirs
zu Marburg alles faren vnd hin gehen / in der hoff-
nung / sie wolten vnd würden sich ganz bessern.

Denn das wusten sie sehr wol / das wir solches
nie geleret noch gegleubet hatten / on das sie zu jrem
rhum vnd vns zur schande / fur dem Pöbel gern den
wahn gemacht hetten / als weren wir solche tolle / vn-
sinnige / rasende Leute / die Christum im Sacrament
Localiter hielten / vnd stücklich zufressen / wie die Wol-
ffe ein Schaf / vnd blut söffen / wie ein Kue das Was-
ser. Wol wusten sie (sage ich) das sie hierin vns mit
offenberlichen vnuerschampten Lügen / Fleischfresser
vnd

vnd Blutsenffer hiessen / aus des Teuffels getrieb/
Denn auch die Papisten solches nie geleret hatten/wie
sie auch wol wusten / on das sie vns mit dem namen/
Papisten/auch wolten wehe thun / die heiligen geistli-
chen Leute.

Denn so hat man vnter dem Bapsthum geleret/
wie auch wir behalten vnd noch so leren / als die
rechte alte Christliche Kirche von 1500. jaren her helt
(Denn der Bapst hat das Sacrament nicht gestiftet
noch funden/welchs die Schwermer auch selbs zeugen
müssen/wie fast sie es Papistisch machen wollen) Wenn
du vom Altar das Brot empfehst / So reiffest du nicht
ein Arm vom Leibe des **HERRN** / oder beiffest im
die Nasen / oder einen Finger ab / Sondern du empfeh-
hest den ganzen Leib des **HERRN** / Der ander so dir
folget / auch denselben ganzen Leib / So der dritte / vnd
tausent nach tausent fur vnd fur. Desgleichen / wenn
du den Kelch oder Wein trinckest / so trinckest du nicht
ein tropffen bluts aus seinem Finger oder Fusse / Son-
dern trinckest sein ganzes Blut / Also auch der dir folg-
get / bis in tausent mal tausent / Wie die wort Christi
klerlich lauten / Nemet esset / das ist mein Leib. Er
spricht nicht / Petre da friss du meinen Finger / An-
drea friss du meine Nasen / Johannes friss du meine
Ohren etc. Sondern es ist mein Leib / den nemet vnd
esset etc. Ein jglicher fur sich vnzerstücket.

Nein Gott lob / solche grobe Tölpel sind wir/
die heilige Kirche vnter dem Bapsthum auch / nicht/
wie vns der böse Geist durch die Schwermer / gern
hette zu hohem verdries vnd vnglimpff / dem Volck
mit solchen verzweuelten Lügen eingebildet / ire Kecke-
rey zu schmücken. Denn sie wusten / das ist man hierin

B ein

ein Lügenmaul were / Auch daher / weil sie die Messen vom heiligen Warleichnam (wie mans hies) on zweiuel offte selbs gesungen vnd gelesen hatten / darin vnter viel andern klerlich stehet / Sumit vnus, sumunt mille, quantum iste, tantum ille, nec sumptus absumitur.

Drumb wusten sie wol das wir keine Fleischfresser / Blutsouffer / Thyste / Capernaiten / noch Locastisten weren / Vnd vnser Gott / kein gebacken Gott / Weinern Gott etc. sein kundte. Noch mussten wir solche ire mutwillige / erkandte lesterung hören / vnd wers nicht lassen wil / bey inen / noch also lestert / denn sie lesens in iren Büchern.

Noch liessen wirs (wie gesagt) alles hin gehen zu Marburg / Damit wir ja reichlich Christliche liebe erzeugten. Denn (hilff Gott) wie mussten wir hören / Das wir keine Christliche liebe hetten / die Diener Christi verachten / die Kirchen betrübten vnd verwirreten etc. Vnd waren keine Sünder auff Erden / denn wir allein / Vnd keine Heiligen im Himmel / denn die Schwermer allein / Bey denen war eitel ferner der liebe / bey vns eitel Eiss der vnarmherzigkeit / Denn wir waren Fleischfresser / Sie waren eitel / rein / pur / lauter / der Geist selbs.

Was hat aber vns nu solche oberflüssige liebe vnd demut geholffen? on das dadurch alles ist erger worden / vnd vnser gute hoffnung jemerlich gefeilet hat. Denn Liebe wird vnd mus betrogen werden / weil sie alles glaubet vnd trawet 1. Corinth. 13. Aber glauben kan nicht feilen / denn Gott leuget nicht / wie der Mensch thut / 1. Reg. 15.

WJe

Wie solte vnd künde ich nu auff mein arm Gewissen laden / solche ungeschwungen Lestereung der vnbusfertigen Schwärmer vnd Lesterey / Wie ich doch thun müste / wo ich mich mit inen einliesse / mit Büchern / Schrifften oder Worten / wie mir jzt der Stenckefeld anmutet.

S. Johannes sagt 2. Joh. So jemand komet / vnd bringt diese Lere nicht / den nemet nicht zu hause / vnd grüßet in nicht / Vnd wer in grüßet / der macht sich teilhafftig seiner bösen werck. Hie hörestu wer der Man sey / der mich heisset die Schwärmer weder hören noch sehen / sondern meiden vnd verdamnen / Wie ich droben aus S. Paulus Tit. 3. auch gesagt / Einen Kezer soltu meiden / wenn er einst oder zwier vermanet ist.

Nad wenns per impossibile war were / vnd sie recht hetten / das eitel brot vnd wein im Abendmal were / Solt man darumb so heraus toben vnd donnern wider vns / mit solchen scheuslichen Lestereungen / gebacken Gott / Brötern Gott etc? Solten sie nicht der heiligen wort Christi (welche wir nicht ertichtet haben) Das ist mein Leib / verschonen / darin er je klerlich das dargereichte Brot seinen Leib nennet? Also möchten sie auch inen einen tüchern oder getücherten / eingewirckten / eingeneeten Gott / lestern / weil er in Rock vnd Kleider / geneet vnd gewirckt / gangen ist. Item einen wesserigen Gott / weil er im Jordan getaufft ward / einen eingewolckten Gott / weil er in Wolcken gen Himmel fuhr.

Ich hette jren Gott der weise nach / auch wol wissen zu nennen / wolts auch noch wol thun / wo ich des namen Gottes nicht schonete / vnd inen auch jren

B ij rechten

rechten namen geben / das sie nicht schlecht Brotfresser vnd Weinsuffler / sondern / Seelfresser / vnd Seelmörder weren / Vnd sie ein eingeteufelt / durchteufelt vberteuft / lesterlich Herz vnd Lügenmaul hetten / Vnd wolt damit die warheit gesagt haben / weil es nicht kan widersprochen werden / das sie mit solchen iren Lestungen vnuerschampt gelogen haben / wider ir eigen Gewissen / vnd noch nicht büßen / Ja sich in irer bosheit rhümen.

Wlan es sol vnd kan niemand von den Christen für die Schwärmer beten noch sich ir annemen. Sie sind dahin gegeben / vnd sündigen zum tode (wie S. Johannes sagt) Von den Meistern rede ich / dem armen Volck so vnter inen ist / helffe der liebe HERR Christus von solchen Seelmördern. Sie sind (sage ich) hoch vnd offte gnug vermanet / sie wollen mein nicht / so wil ich ir auch nicht. Sie haben nichts von mir (rhümen sie) des danck ich Gott / So habe ich viel weniger von inen / des sey Gott gelobt / Las jmer hin faren / was nicht bleiben wil / Es wird sich finden / hat sichs nicht bereit allzu sehr gefunden.

1. **E**rstlich worden sie gewarnet / flugs im anfang von dem heiligen Geist / da sie wol in sieben Geister sich teileten / vber dem Text / jmer einer anderst denn der ander.

DEr erst Carlstad / machte den Text also / Das ist mein Leib / solt so viel heißen / Hie sitzt mein Leib. Vnd der Text solt also stehen / Er nam das Brot / danckt vnd brachs / vnd gabs seinen Jüngern vnd sprach /

sprach / Hie siß mein Leib / der für euch gegeben wird.

Dies war so gewis / das nicht allein der heilige Geist / sondern der himlische Vater selbs hatte es im offenbaret / Davon ich wider die himlischen Propheeten hab gnug geschrieben.

Der ander / Zwingel sagt / solchs were nicht recht gemacht / vnangesehen / das der himlisch Vater selbs hatte offenbart / Vnd machte den Text durch seinen andern heiligen Geist also. Nemet / esset / Das beude meinen Leib / der für euch gegeben wird. Ist / mußte hie bedeutet heißen.

Der dritte / Ecolampad / brachte den dritten heiligen Geist herfür / der machte den Text abermal anders / Nemlich also / Nemet / esset / das ist meins Leibes zeichen.

Der vierde / Stenckfeld lies sich düncken / sein stancck were Thesem in aller Welt / bracht aus dem vierten heiligen Geist diese Regel. Man mus diese wort (Das ist mein Leib) aus den augen thun / denn sie hindern den Geistlichen verstand.

Diese Regel mustu wol mercken wiltu ein Theologus werden / Nemlich / Wo die hellen wort Gottes deinen verstand hindern / das du einen andern suchest / der dir gefalle / vnd denn sagest / Es sey der heilige Geist / darnach die wort ordenest vnd deuteest / wie dichs gut dünckt.

Als / hie mustu zuvor den hohen geistlichen verstand fassen / das Brot / brot sey / Wein / wein sey / welches kein Papist noch Luther jemals verstanden hat / auch kein Becker noch Kresmaier. Vnd demnach den

Text also machen/das hinderst zu förderst sehen / nemlich/ Nemet hin vnd esset / Mein Leib der fur euch gegeben wird/ist das (vernim eine geistliche Speise) Da hastus / Gehe nu hin vnd sage / das Stenckfeld nicht den heiligen Geist habe/weit vber die drey heilige Geister / Carlstads / Zwingels vnd Ecolampads.

DEr fünffte heiliger Geist/ Etliche seines geschmeis ses vnd vnzifers/ machen also. Nemet/ esset/ was fur euch gegeben wird/ das ist mein Leib.

DEr sechste heiliger Geist/machts also. Nemet hin/ esset/ Das ist mein Leib / zum gedechtnis. Solt so viel sein/Nemet/ esset/ Das ist meines Leibs gedechtnis (nominatiuum corpus, per genitiuum corporis exponendo) der fur euch gegeben etc.

DEr siebend heiliger Geist Johan. Campanus/ machts also: Nemet hin/ esset/ Das ist mein Leib/ corpus scilicet paneum, Solt so viel heissen / Das Brot/so ich euch gebe/ist ein Leib oder Körper fur sich selbs / nicht mein lebendiger natürlicher Leib / Sondern ein todter / lebloser Leib / wie stein vnd holz ein Leib ist. Aber weil es meine Creatur ist / so ist's auch mein Leib/den ich geschaffen habe.

Dis ist der allerhöhest heiliger Geist/ wider vnd vber die andern alle / Vn das er dem Becker die ehre nimpt / der denoch auch etwas am Brot gemacht hat / Vnd Gott nicht das Brot / sondern das Korn zum Brot schafft.

Vber diese/schweiffte vmbher noch ein übriger heiliger Geist (Denn der Teuffel ist heilig vnd ein grosser Geist) der sagt also / Es sey hie kein Artickel
des

des glaubens/darumb solt man nicht drum̄ zanken/
Ein jeder möcht hie glauben was er wolt.

Dieser heiliger Geist/dünckt mich ein junger heiliger Geist sein/welchen der alte heilige Geist Stenckfeld geheckt vnd ausgebrütet hat. Denn er helt sein die Regel Stenckfelds / vnd thut den Text nicht allein aus den augen / Sondern wirfft in hindersich weg / mit glauben vnd mit allem / wie eine taube Nuss / macht nicht anders draus.

Diese heilige Geister alle sampt / wie hart sie vber dem Text vneins sind / stimmen sie doch zusammen / in dem hohen Geistlichen sinn / Das Brot / brot / Wein wein / sey. Vnd wer solchen hohen verstand nicht hat / der solt wol irre werden / vnd glauben / das Brot / nicht brot / sondern holz oder stein were / Das were fehrlich ding.

Also ist das Abendmal bey inen nichts anders / denn sonst ein teglich gemeine Malzeit / da man Brot vnd Wein braucht / Denn bey demselben / kan man von Christo reden / lesen / loben / dancken / vnd also geistlich essen / eben so wol als im Abendmal Christi. Vnd Christus vberaus ein grosser Narr ist / da er ein sonder Abendmal stiftet / welchs die Welt zuuor / vol / vol ist vnd teglich geschiet. Wer gar gnug gewest / wo er also hette gesagt / Wenn vnd wo jr brot esset vnd Wein trinckt / So thuts zu meinem gedechtnis / das were ein völlig Abendmal Christi / wie es die Schwermmer haben wollen. Gleich wie S. Paulus von dem ganzen leben spricht / Was jr thut so thuts im namen des HERRN Ihesu Christi / vnd dancket Gott dem Vater durch in. Was ist das anders / denn in allem vnserm

vnserm thun / ein geistlich essen halten / das ist / des
HERRN gedencken / vnd den glauben stercken. Also
möchte mit der zeit / ein fein Gesellen zechen / wie die
Corinther anfiengen / aus dem Abendmal werden.

In andern mal / worden sie von vielen
gewarnet / von mir auch gar sonderlich / da ich so
vleißig wider sie schreib / vnd ire grund vnd vrsas
chen / gewaltiglich verlegt / das ir Gewissen fülen mu
ste. Denn sie hatten zween Sprüche fur sich / Einen
Johan. 6. Fleisch ist kein nütze / welchen Ecolampad /
seine eiserne mauren hies. Den andern / Christus ist
gen Himmel gefaren / drumb kan sein Leib vnd Blut
nicht sein im Abendmal / Vnd füreten der Sprüche
mehr / die von der Auffart Christi reden / Lereten vns
sehr hefftig / das Christus gen Himmel were gefaren /
Gerade / als hetten wir solches / nu wol von 1500 jaren
her / nie gehört. Aber das darumb eitel Brot vnd
Wein im Abendmal were / das Nüsslin wolten sie nie
kein mal beissen noch anrüren / wie meine Bücher da
furhanden / wider sie zeugen.

Den ersten spruch / Fleisch ist kein nütze / nam
ich inen so gewaltig / das auch Zwingel in seinem letz
ten Büchlin / des nicht mehr gedenckt.

Den andern nam ich inen auch gewaltiglich /
nemlich also. Es were vnmöglich / das sie solten mit
ernst bewogē sein / den Leib vnd Blut des HERRN im
Abendmal zu verleugnen / vmb des Spruchs willen /
(Er ist gen Himmel gefaren) wie sie doch in vielen Bü
chern vnd mit stolzen wortē iner pocheten / sondern sie
müsten hierin gewislich liegen. Das beweiset ich aus
diesem grund / Das Abendmal hat Christus eingesetzt /
vnd

vnd seinen Leib vnd Blut seinen Jüngern gegeben/
wie die wort da stehen / Eßet/ das ist mein Leib/ehe er
gen Himmel gefaren ist. Denn da sitzt er vber Tische/hie
riden auff Erden / vnd helt das erst Abendmal. Dar-
umb kans nicht war sein / das sie rhümen / Nemlich/
Es haben sie bewogen die sprüche von der Himelfart.
Denn dawider stehet / das Christus das Abendmal
helt / ehe denn er gen Himmel feret.

Hindert nu seine Himelfart das erste Abendmal
nicht/Wie kans ernst vnd nicht erlogen sein / da sie sa-
gen / Es habe sie die Himelfart bewogen vnd gehin-
dert? Sintemal wir nu 1500. Jar kein ander Abend-
mal halten / denn das der HERR am ersten hat ein-
gesetzt vnd befohlen/wie er spricht/ Solchs thut zu
meinem gedechtnis. Zu dem wissen sie vnd verste-
hen nicht/was gen Himmel faren heisst / wie kan sie es
denn bewogen haben?

Hie wider fundten sie nichts mehr / vnd
suchten nu wege / wie sie ire böse Sachen flicken
vnd plexen / vnd sich mit vns vergleichen möch-
ten. Da ward das Colloquium zu Marburg ange-
stellet/Darin besserten sie die sache / vnd gaben zu/Es
were nicht eitel Brot vnd Wein im Abendmal / wie
sie bis her gestritten hatten auff's hefftigst/ sondern der
Leib vnd Blut Christi were auch drinnen/ Aber nicht
leiblich sondern geistlich. Solchs wolt den sich auch
nicht halten/ Denn geistlich genießten/ ist allein
der Heiligen vnd Gerechten/Aber S. Paulus
spricht / das die Unwürdigen eben so wol den
Leib vnd Blut Christi empfahen/als die Wür-
digen/ 1. Cor. 11.

E

Wd

Vnd der Zwingel hatte ein lang vngereimpe
Geschweß mit mir / de locali inclusione, das im Brot
nicht sein künde der Leib Christi / wie im raum oder
gefesse / Gerade / als lereten wir / das Christus Leib im
Brot were / wie stro im Sacke / oder Wein im Fass.
Demnach jr etliche entschuldigeten sich / sie hettens
nicht anders verstanden / wir vnd die Papisten lereten
also / das Christus leib were im Sacrament localiter,
wie Stro im Sacke / D das war eine faule / kalte / la-
me entschuldigung.

Denn sie wusten sehr wol / das weder die Pa-
pisten noch wir / so hatten geleret. Vnd ob es sie (vns-
gleublicher weise zu reden) nicht anders hetten ver-
standen / müsten damit bekennen / das sie als die vnsin-
nigen solche sache anfechten / welche sie selbs niemals
hettens gehöret noch verstanden. Denn der Papisten
lere / war zu der zeit viel mehr / denn ist / am tage / Ja es
war kein ander Lere am tage / das die Schwermer ha-
ben müssen derselbigen wissenschaftt gehabt haben.

Also leren aber die Papisten / Ja nicht die Pa-
pisten / sondern die heilige Christliche Kirche / vnd
wir mit jnen (denn der Papst / wie gesagt / hat das
Sacrament nicht eingesezt) das Christus Leib nicht
sey localiter (wie Stro im Sack) im Sacrament /
sondern definitiue, das ist / Er ist gewislich da / nicht
wie Stro im Sack / Aber doch leiblich vnd
warhaftig da / wie ich in meinem Büchlin
starck beweiset habe. Solchs sage ich / wusten sie
wol / Oder warens je schuldig zu wissen / da sie so
grewlich toben wolten / wider das / so sie nicht wusten.
Also

Also schieden wir von Marburg / mit solcher hoffnung (wie gesagt) weil sie alle Christliche Artikel nach gaben / vnd in diesem Artikel des heiligen Sacraments / auch vom vorigen irthum (das es schlecht Brot were) abtraten / Sie würden vollend gar vnd ganz mit der zeit zu vns treten.

Weil nu durchs Teuffels geschafft solchs gezeilet / vnd ich wol betrogen / wie ich aus dem Büchlin nach des Zwingels tod ausgegangen / mus mercken / das er nach dem Colloquio erger worden ist denn zuvor / vnd gewislich zu Marburg hat felschlich mit mir gehandelt / Werde ich gezwungen / keines Schwermers / er heisse Stenckfeld / Zwingel / Scolampad / Carlstad / oder wer sie sind die Schwerner / Brotfresser vnd Weinsuuffer / das ist / Christus lesterer vnd feinde / gemeinschaft anzunemen / sondern mus weder ire Briue / Bücher / Brus / Segen / Schrift / Namen noch gedechtnis / in meinem herken wissen / auch weder sehen noch hören.

Denn weil ich gewis bin / vnd jr eigen Gewissen wider sie stehen mus / das sie vnrecht sind vnd Gott lestern / Wil vnd kan ich frölich fur meinem lieben **HERRN** Ihesu Christo am Jüngsten tage sagen / **HERR** Ihesu / ich habe sie trewlich gewarnet vnd vermanet / dazu sie jr eigen Gewissen vberzeuget / das müssen sie fur dir bekennen / das weissestu lieber **HERR**.

Im dritten mal / worden sie vermanet / durch das schreckliche vrtail Gottes / da der Zwingel so jemerlich ward erschlagen / wie die Historien vnd ire Briue zeugen / vnd mit im bey fünff hundert Man / sehr feiner Leute. Wiewol sie solch zornig vrtail /

E ij teil /

teil gleich für ein Gnadenzeichen deuten wolten / vnd den Zwingel / als einen Heiligen rhümen / der (gleich wie alle Heiligen viel leiden müssen) auch unschuldiglich erschlagen sey. Was hilffets? wenn Gott noch mehr Plagen / denn er vber Pharaon thet / vber sie schicket / weil sie solches sinnes sind / das sie eitel heiliges Leiden draus machen wollen? Wie die Jüden nu 1500. jar / jr leiden vnd vnglück auch deuten / vnd sich damit verstocken / damit sie so greulich vermanet werden. Ich aber / so gewis bin / das Zwingel (wie sein lete Büchlin zeuget) in grossen vnd vielen Sünden vnd Gotteslesterung gestorben ist / kan ire deutung nicht glauben.

Wiewol ich wünsche vnd wolt / das Gott mit im hette den Spruch S. Pauli gebraucht 1. Corinth. 5. Vbergeben zum verderben des fleisches / auff das der Geist selig werde am tage des HERRN Ihesu. Vnd 1. Corint. 11. Wenn wir gestrafft werden / so werden wir vom HERRN gezüchtigt / das wir nicht sampt der Welt verdampft werden. O herzlich gern wolt ich / das im nach diesen Sprüchen gangen were / Denn mir solch sein Vnglück vber die masse leid war / vnd noch ist.

WENN leiden sol heilig heissen vnd heilig machen / mus zuvor vnschuld da sein / vnd gute Göttliche sache / wie auch S. Augustinus spricht / Non poena, sed causa facit martyrem. Nu wissen sie wol / das Zwingel / vber die lesterung wider das Sacrament / auch Weltlicher weise böse Sache hatte / da er an dem strasse legen / wider jenes Teil / freuelich handelte. Das sichs wol mehr findet / er sey nach diesem Spruch geurtheilt. Qui acceperit gladium, gladio peribit.

Ja so

Ja so müssen wir dencken vnd halten / Sie mügen
deuten/sagen/schmücken was sie wollen/die Historien
vnd ire Schrift/ sind wider sie selbs.

Sie trösten sich auch (höre ich sagen) das sie viel
Bücher schreiben vnd grosse arbeit bey der Kirchen
vnd an der Schrift thun. Was hilffts? weil sie Got-
tes Wort vnd Sacrament felsen vnd verkeren/vnd
nicht hören wollen? Wer Gott nicht höret / den höret
er wider nicht / Sondern sein Gebet ist ein Grewel/
Prouerb. 28. Die Jüden arbeiten auch sehr in der
Schrift / nu wol 1500. jar. Ja welche Kezer haben
nicht viel mehr gearbeitet / mit leren vnd schreiben/
denn die Christen? Des Teuffels Marterer (wie man
spricht) wird die Helle viel seurer zu verdienen / denn
der Himel den rechten Heiligen.

Weil nu so viel vnd grosse warnung vnd ver-
manunge Gottes an jnen schlechts verloren
sind/Denn meine Schrift vor siebenzehen jaren aus-
gangen / kan ich mit gutem Gewissen vnd starcken
glauben / auch Göttliche vermanung rhümen / neben
den andern zwo vermanungen.

So bin ich auch nicht zu geringe dazu / das sie
von mir sich solten vermanen lassen / wenn sie hoch
rhümen / Denn ich auch ein Diener Christi bin / so
wol/wo nicht mehr/als sie/vnd auch in seiner Kirchen
gearbeitet habe/ehe denn sie/wil nicht zu hoch rhümen/
mus ich sie faren lassen vnd meiden / als die Autoka-
takritos, die wissentlich vnd mutwilliglich verdampft
sein wollen / Vnd mit irer keinem einicherley gemein-
schafft haben/weder mit Briuen/Schriften/worten
noch wercken/wie der HERR gebet/Matth. 28. Er

E iij

heisse

heisse Stenckefeld / Zwingel oder wie er wolle / Denn
ich rechen sie alle in einen kuchen / wie sie auch sind / die
nicht gleuben wollen / das des HERRN Brot im
Abendmal / sey sein rechter natürliche Leib / welchen
der Gottlose oder Judas eben so wol mündlich em-
pfehet / als S. Petrus vnd alle Heiligen. Wer das
(sage ich) nicht wil gleuben / der las mich nur zu frie-
den / mit Briuen / schrifften oder Worten / Vnd hoffe
bey mir keiner gemeinschafft / Da wird nicht an-
ders aus.

Sie mit habt jr mein guter Freund mein
Horsache / warumb ich das Lestermaul Schwen-
ckefeld nicht habe wollen hören noch im antwor-
ten / das müget jr / wo es euch anders gelüset / denen an-
zeigen die vielleicht der Stenckefeld / wider mich be-
stencert vnd beschmeisset. Ich (wie gesagt) habß gern /
das mich solche Lestermeyler schenden / vnd das sie sehr
zürnen vber mich / Nie ist niemand der auff iren zorn
gibt. Thüren sie den Hausuater Belzebub schelten /
was solten sie nicht lestern sein Gesinde? Das ist /
Thüren sie vnsern lieben HERRN Ihesum Chri-
stum lestern vnd lügenstraffen in seinen Worten / Ne-
met / esset / das ist mein Leib etc. vnd sein seliges tröst-
lichs Sacrament deuten vnd verkeren in eine Bawr-
zeche / was solten die allerhöhmütigsten Geister dem
armen Luther nicht thun?

Somma / Sie sind von mir erfunden vnd vberwun-
den vielfeltiglich / als die offenberlichen Lesterey vnd
Lügener. Erstlich / da sie im anfang lereten / Es were
nichts denn eitel brot vnd wein im Abendmal. Darü-
ber sie vns scholten vnd lesterten Fleischfresser / Blut-
seuffer /

seuffer/Thyestas/Capernaiten / Vnsern HERRN/
den gebackten Gott / den brottern Gott / den Weinern
Gott etc. wie die Bücher am tage zeugen ewiglich.

Welch Christen herz kan oder wil auch gleu-
ben/das der heilige Geist/vnd nicht viel mehr der leid-
ge Teuffel nachmals vnd smer fort in inen sey? Weil
sie die hellen Wort des HERRN / Nemet / esset/
das ist mein Leib / deuten aus eigener thurst vnd fre-
uel/auff iren trawm/ das er geistlich vnd nicht leiblich
da sey.

Den wir wissen sehr wol/ ob gleich der HERR
Christus durch den glauben (wie S. Paulus leret
Eph. 3.) in vnsern herzen wonet / welchs geistliche
woning heisst/ So hat er doch keinen Geistlichen Leib
noch Blut an sich genomen / noch fur vns gegeben/
wie er spricht Luc. vlt. Greiffte vnd sehet/ Ein Geist hae
kein fleisch vnd beine / wie jr sehet / das ich habe/ Vnd
doch geistlich in vnserm herzen wonet.

Zum andern/ die Sprüche so sie gefürt haben/
als die von der Himelfart vnd vom vnnützen
Fleisch reden / habe ich klerlich vberweiset / das sie die
selben felschlich gedeutet / vnd im verlogten verstand
gebraucht haben/ Vnd also in vielen groben lügen er-
griffen sind / vnd in solchen öffentlichen lesterungen
vnd lügen / noch heutiges tages / vnbusfertig / ver-
stockt / halsstarriglich verharren / So müste ich mich
selbs in abgrund der Hellen sampt inen verdammen/
wo ichs mit inen solt halten / oder mit inen gemein-
schafft haben / oder dazu still schweigen / wenn ichs
merckt oder höret / das sie sich meiner Gemeinschaft
anmasseten oder rhümeten. Das thue / oder dazu
schweige der Teuffel vnd seine Mutter/ Ich nicht.

Ich

Ich wil mit dem heiligen Vater Abraham vnd
Allen Christen / auff dem Spruch Rom. 4. stehen.
Was Gott redet / das kan er auch thun. Item/
Psal. 51. Auff das du recht habest in deinen
worten / wenn du geurteilt wirst. Vnd wil nicht
zu erst meine vernunft rat fragen / Wie sichs reime
oder möglich sey / das ich seinen Leib vnd Blut münd-
lich empfangen müge / vnd darnach als ein Richter
vber Gott / seine wort / nach meinem dünnkel deuten.
Nein / so wil ich nicht schwermen / Er hats gesagt / da
las ichs bey bleiben / Verfüret er mich / so bin ich selig-
lich verfüret. Er hat noch nie kein mal gelogen / kan
auch nicht ligen. Aber die Schwärmer sind öffentli-
che Lügner / von mir vnd inen selbs erfunden. Müssen
auch jmer fort ligen / weil sie jrem dünnkel mehr tra-
wen / denn dem wort Gottes.

Vnd wer das nicht wil thun / vnd nicht stehen
auff dem / oder dergleichen sprüche / Was Gott redet /
das kan er thun. Item / Gott kan nicht liegen etc. Dem
rate ich trewlich / das er die heilige Schrift vnd die
Artickel des Christlichen glaubens zu frieden lasse.
Denn mit seinem deuten verteuffet er sich je lenger je
mehr / Vnd ist jm besser / er bleibe ein verdampfer Hei-
de / denn das er ein verdampfer Christen werde.

Lieber Mensch / wer nicht wil glauben
dem Artickel im Abendmal / wie wil er doch
jmer mehr glauben / den Artickel von der Men-
scheit vnd Gottheit Christi in einer Person? Vnd
sichtest dich an / das du den Leib Christi mündlich em-
pfehest / wenn du das Brot vom Altar issest. Item das
Blut Christi empfehest mündlich / wenn du den Wein
trinckest

erincfest im Abendmal / So mus dich gewislich viel
mehr anfechten (sonderlich wenn das stündlin kömet)
wie die vnendliche vnbegreiffliche Gottheit / so allent-
halben wesentlich ist vnd sein mus / leiblich beschlossen
vnd begrieffen werde / in der Menschheit vnd in der
Jungfrawen Leibe / wie S. Paulus sagt / Collos. 1. In
im wonet die ganze fülle der Gottheit leiblich.

Vnd wie ist möglich / das du soltest glauben / wie
allein der Son sey Mensch worden / nicht der Vater
noch heiliger Geist / so doch die drey Personen nichts
anders sind / denn der einige Gott / im aller einigsten
wesen vnd natur der einigen Gottheit ? Wie kan sichs
reimen ? Wie ist möglich ? Das die einige ganze vol-
komene Gottheit des Sons / sich also solt trennen
oder teilen / das sie zu gleich ist vereinigt mit der Mens-
cheit / Vnd dieselbige einige Gottheit des Vaters vnd
heiligen Geists / nicht vereinigt ist mit der Menschheit ?
Vnd ist zu gleich einerley Gottheit / in Christo mit der
Menschheit eine Person / vnd nicht der Vater oder heil-
liger Geist. O wie sollen sie allererst recht schwermen /
daumeln vnd poltern / wenn sie hieher komen / Da sol-
ten sie zu deuten finden / wie ich denn höre / das sie bereit
an getrost vnd weidlich hinan gehen / mit Eutycheren
vnd Nestoren. Denn das dacht ich wol / habs auch
gesagt / sie müsten hieher komen / Der Teufel kan nicht
feiren / Wo er eine Ketzerey stiftet / da mus er mehr
stiften / vnd bleibt kein irthum alleine. Wenn der
Ring an einem ort entzwey ist / so ist er nicht mehr ein
Ring / helt nicht mehr vnd bricht jmer fort etc.

Vnd wenn sie gleich viel rhümen / das sie diesen
Artickel von Christus Person glauben / vnd viel
dauon plaudern / So soltu es nicht glauben / sie liegen
D gewislich

gewislich alles was sie hie von sagen. Mit dem munde
sagen sie es wol (wie die Teufel im Euangelio auch
den HERRN nennen Gottes Son) Aber das herz
ist weit dauon/Matth. 15. das ist gewis. Gleich wie die
Juden schwuren bey dem lebendigen Gott / Aber
schwuren doch felschlich / spricht der Prophet. Der
Zürcke rhümet auch den namen Gottes/Aber im ster-
ben finden sie/wer jr Gott sey. Denn gewis ist/ wer
einen Artickel nicht recht gleubet/oder nicht wil (nach
dem er vermanet vnd vnterricht ist) der gleube gewis-
lich keinen mit ernst vnd rechtem glauben. Vnd wer
so küne ist / das er thar Gott leugnen oder lügen stras-
ffen in einem Wort / Vnd thut solchs mutwilliglich
wider vnd vber das / so er einst oder zwier mal ver-
manet oder vnterweiset ist/ Der thar auch (thuts auch
gewislich) Gott in allen seinen worten leugnen vnd
lügenstraffen.

Drumb heissis/rund vnd rein/ganz vnd alles
gegleubt/oder nichts gegleubt / Der heilige Geist lesst
sich nicht trennen noch teilen/das er ein stück solt war-
hafftig/vnd das ander/ falsch / leren oder gleuben las-
sen. On wo schwachen sind / die bereit sind sich zu vn-
terrichten zu lassen / Vnd nicht halsstarriglich zu wi-
dersprechen. Sonst wo das solt gelten/das einem idern
on schaden sein müste/so er einen Artickel möcht leug-
nen/weil er die andern alle fur recht hielte (wiewol im
grund solchs vnmüglich ist so würde kein Keger nimer
mehr verdampft / würde auch kein Keger sein können
auff Erden. Denn alle Keger sind dieser art / das sie
erstlich allein an einem Arttekel anfahen/darnach mü-
ssen sie alle hernach / vnd alle sampt verleugnet sein/
gleich wie der Ring / so er eine borsten oder riß friegt/
taug

taug er ganz vnd gar nicht mehr. Vnd wo die Glocke an einem ort berstet / klingt sie auch nichts mehr / vnd ist ganz vntüchtig.

Solchs las dich die Exempel leren. Arius nam diesen einigen Artickel fur / Das Christus nicht Gott / sondern eine Creatur were. Die andern Artickel alle / vnd sonderlich / das Gott der Vater ein einiger Gott were / Schepffer Himels vnd der Erden / das Christus fur vnser Sünde gestorben were / das die Tauffe / Sacrament / Schlüssel / Auferstehung der Todten vnd ewiges Leben were / gleubte er wol andechtiger (wie seine wort lauten) denn die rechten Christen gleuben.

Nach stehet da die heilige Schrift / vnd zeuget / er habe keinen Artickel gegleubet. Denn so spricht S. Johannes / 1. Johan. 2. Wer den Son verleugnet / der hat auch den Vater nicht / Wer den Son bekennet / der hat auch den Vater etc. Hat nu Arius den Son vnd Vater nicht / so hat er auch keinen Gott noch Schepffer Himels vnd der Erden / das ist / Es hilfft in nicht / das er mit seinem maul / Gott den Vater / Schepffer Himels vnd der Erden nennet / vnd hoch preiset / ob wol kein ander Gott ist Schepffer Himels vnd der Erden / denn der / so Arius nennet mit seinem lügenmaul / noch ist er im / dem Ario / nicht ein Gott / darumb / das er seinen einigen Son Christum verleugnet vnd lestert / das er nicht Gott sey.

Also ist im die Tauffe kein Tauffe mehr / Vergebung der Sünden / keine vergabung der Sünden mehr / Sacrament kein Sacrament mehr / das ist / Es nützet im nicht mehr / ob er wol zuor recht getaufft ist / rechte vergabung / recht Sacrament empfangen hatte. Also hat er alle Artickel des glaubens verloren / weil er den rechten Gott des glaubens Christum ver-

D ij

leugnet /

leugnet / vnd ist im kein Artickel nichts nütze / vnd er
kan auch keinen Artickel mit rechtem ernst glauben /
Sondern mus derselben alle sampt brauchen zu sei-
nem verdammnis / Wie das ander Gebot sagt / Du solt
den namen deines Gottes nicht misbrauchen. Da hö-
restu / das auch der rechte Heilige name Gottes nichts
hilfft / sondern schadet denen / die nicht recht glauben /
sondern des misbrauchen. Daher auch die alten Väter
disputirt haben / ob der Arianer Tauffe auch rech-
te Tauffe were. Also kömet jmer ein vnglück aus dem
andern.

Macedonius Bischoff zu Constantinopel der Ke-
zer / glaubte auch alle Artickel on den einigen /
Das der heilige Geist rechter Gott were. Was halffts
jn vnd die seinen ? Es war im doch so viel als gleubet
er keinen. Vnd ob er sie mit dem maul gleich recht
auspreche vnd nennet / so hat er doch keinen Gott /
weil er den heiligen Geist für keinen Gott helt / Dar-
umb hat er auch keinen Schepffer Himmels vnd der
Erden. Da ist seine Tauffe nichts mehr / keine verge-
bung der Sünden / kein Sacrament / kein ewiges Le-
ben. Vnd ob er strenge lebt / vnd ein scheinbarlich
Christlich leben füret / noch ist er kein rechter Christ /
Sondern ein grosser Heuchler / Were im viel besser /
das er kein Christ were / noch den Christlichen namen
so misbrauchet / vnd felschlich füret / das ist / so ver-
damlich füret vnd ehret.

Also Nestorius / auch Bischoff zu Constantino-
pel / war mit den seinen ein strenger Man in allen
andern Artickeln / Aber in dem einigen war er ein Ke-
zer / das Gottes Son Christus nicht were von Maria
der Jungfrauen geboren / Vnd Maria were nicht /
kündte auch nicht sein / eine Mutter Gottes. Damit
worden

worden jm die andern alle Artickeln auch zu nicht / on was er sie mit dem maul nennen vnd misbrauchen mocht. Daher auch aus diesen dreien Ketzern zuletzt viel mehr Ketzerey heraus brachen vnd an tag sich gaben (denn sie steckten zuuor drinnen verborgen) bis das der leidige Mahmeth heraus komen ist / Denn alle Historien zeugen / Mahmeth sey aus den Arianern / Macedoniern vnd Nestoriten komen / In welchen er auch zeitlich vnd von anfang gesteckt hat.

Vnd woher ist der Pappst so vol Ketzerey worden / vnd hat jmer eine Ketzerey nach der andern in die Welt bracht / bis sie nu zu Rom / sonderlich des Pappsts Hofe / eitel Epicurer vnd spötter des Christlichen glaubens sind? Nemlich daher / das sie vom glauben Christi auff die werck gefallen sind / das ist / auff ire eigene gerechtigkeit. Was ist jm da nütze blieben von allen andern Artickeln? Was hilffts jm / das er mit dem maul hoch rhümet den rechten Gott den Vater / Son vnd heiligen Geist / vnd trefflichen schein furwendet eines Christlichen lebens? Gleichwol ist vnd bleibt er / der grössert feind Christi vnd der rechte Antichrist / hat sich selbs zum heubt der Christenheit gemacht / Ja zum vnterloch vnd hinderloch des Teufels / dadurch so viel gewel der Messen / Müncherey / vnzucht in die Welt geschmissen ist / Bis so lange auch die Münche durch ire lausichte kappen / den sterbenden Christen gen Himmel hulffen.

Also wirds die Schwermere nicht helffen / das sie bey dem Sacrament sehr gros gewesch treiben / von dem Geistlichen essen vnd trincken des Leibs vnd Bluts Christi / vnd von der Liebe vnd einigkeit der Christen. Denn das sind eitel Feigenbletter / da sich Adam vnd Heua mit decken vnd schmücken wolten /

das Gott ire schande vnd Sünde nicht mercken solte.
Ziel weniger wird sie helffen / ir grosse arbeit mit leren
vnd schreiben / mit ernstem züchtigen wandel / Das ist
noch alles Heidnisch ding.

Dazu auch dis verloren ist / das sie Gott den
Vater / Son vnd heiligen Geist / vnd Christum den
Heiland / glauben. Alles sage ich / ist verloren / mit al-
len Artickeln / wie recht vnd vnstrefflich sie dieselben
mit dem falschen Lestermaul nennen oder geben / dar-
umb das sie diesen einigen Artickel leugnen vnd lügen-
straffen / da im Sacrament Christus spricht / Nemet
(das Brot) vnd esset / das ist mein Leib / der fur euch
gegeben wird etc.

Denn was sie vom geistlichen essen vnd von
der Liebe plaudern / ist alles dahin gericht / das sie sol-
chen schaden vnd gifft zudecken vnd schmücken wol-
len / das man denselben nicht achten noch sehen / son-
dern sie als die sonderlichen vnd besten Christen ach-
ten solle. Das heisst auff deudsch / ein Teufels ge-
spenst fur die augen stellen / Vnd den finstern Teufel
(wie S. Paulus leret) mit dem hellen kleid der liech-
ten Engel schmücken. Darumb ist gros rhümen vnd
viel arbeit / weil sie in diesem einigen Artickel nicht wol-
len Christen sein / verloren.

Dauon redet der HERR Luc. 11. Sihe zu/
das das Liecht in dir nicht finsternis sey. So nu dein
Cörper ganz liecht ist / vnd kein stück finsternis hat / so
wird er ganz liecht sein. Da sihestu / das der HERR
wil / Es solle alles liecht in vns sein / vnd kein stück der
finsternis darunter sein. Wie auch Matth. 6. So das
liecht das in dir ist / finster ist / Wie gros wird das fin-
sternis selbs sein. Vnd Paulus Gal. 5. Ich bezeuge ei-
nem jeden Menschen / wer sich beschneiden leßt (welchs
ein

ein Stücklein war) der ist von Christo vnd von der gnade gefallen / vnd ist schuldig des ganzen Gesetzes zu halten. Daher komen ist der spruch Jacobi 2. Wer das ganze Gesetz helt / vnd sündigt in einem Stück / der ist in allen stücken schuldig / Denn der da geboten hat / Du solt nicht Ehebrechen / der hat auch geboten / Du solt nicht tödten etc. Es ist ein Gott / der alles geboten hat / Wer den in einem erzürnet / mit dem zürnen widerumb alle Creatur vnd alle gebot Gottes / Auch seine eigene gute werck / die er nach den andern geboten vermeinet gethan haben / Denn sie sind nicht im rechten gehorsam Gottes / noch im glauben Christi gethan etc.

Möchstu sagen / Ah lieber Luther / es ist zu hoffen oder je nicht zu besorgen / das Gott so sehr hefftig vnd grausam gestrenge sein solt / das er die Menschen vmb eines Artickels willen verdammen wolle / Wenn sie sonst alle ander Artickel trewlich halten vnd glauben. Denn also trösten sich nicht allein die Keker / sondern auch andere Sünder / wie Syrach schreibt / als werde Gott jr andere gute werck ansehen vnd gnedig sein / Wie auch der König Saul seinen vngheorsam mit seiner andacht vnd Opfer schmücken wolte / 1. Reg. 15. Gehen also dahin sein sicher vnd gewis / als hette es kein not mit jnen / Die viel grosse werck vnd erbeit / so sie sonst thun / werden ein einiges stücke oberwegen.

Dagegen ist zusagen / Das Gott viel weniger hoffen noch sich versehen kan / das seine arme / elende / blinde Creatur / so toll vnd stols sein solt / wider jren Schepffer vnd **HERRN** / Das sie sein Göttlich wort leugnen / lügenstraffen vnd lestern würde / Sondern

dern also ist im zu hoffen / das seine demütige / vnters-
thenige gehorsame Creatur / nicht ein einiges wort leu-
gnen vnd lestern / sondern alle vnd ein iglichs in son-
derheit herzlich annemen / vnd mit allen freuden dan-
cken werde / das sie werd ist ein einiges wort zu hören
von irem lieben Gotte / Ja so stehets Gott anzuge-
dencken.

NB aber thun die Keker nicht anderst mit Got-
tes Wort / denn als were es Menschen wort / oder eins
Narren wort / welches sie verachten / spotten vnd le-
stern möchten / Vnd alles besser machen kündten nach
irem eigen schönen dünckel / Wollen sich dazu nicht
weisen lassen / da ist alles verloren. Vnd werden hie
die grossen viel gute werck vnd erbeit / das einige böse
stücke nicht oberwegen / Denn da ist weder viel noch
wenig / weder klein noch grosse gute werck / sondern ei-
tel nichtige / böse verdampfte werck / Denn der vnglau-
be oder Gotteslesterunge macht auch die guten (wie sie
es nennen) werck zu nicht vnd verdampft / Ja erger
sind solche gute werck / weder sonst die schlechten Sün-
de sind / weil sie gehen vnd geschehen in Gottes na-
mens vnd worts lesterung vnd halsstarriger verleug-
nung / Das gar viel besser vnd zu wünscheten were / sie
theten dafur Sünde vnd böse werck / so erkenneten sie
doch vnd wüsten was sie theten.

NB gehets inen nach dem Spruch Salomo-
nis / Eccle. 5. Beware deinen fuß wenn du zum hause
Gottes gehest / vnd kom erzu / das du hörest / das ist bes-
ser denn der Narren opffer / die nichts wissen wie böse
ire werck sind. Opffer ist ja ein gut werck / Noch heisst
böse / wenns die Narren / die nicht hören wollen (das
ist / die Gottlosen oder Keker) thun. Aber viel scherffer
wird sie der mal eins richten vnd schneiten der spruch /
Psal 50. Gott spricht zum gottlosen / warumb nimestu
mein

mein Wort in deinem mund? Das sey dauon gnug/
Wer nicht hören wil/ der fare hin.

Al Ende mus ich auch das anhängen/
Ich höre sagen/das etliche daraus bewogen sind
zu dencken/wir seien mit den Schwermern eins/
das wir in vnser Kirchen die Eleuation haben fallen
vnd anstehen lassen / damit wir bekennen solten / das
Christus Leib vnd Blut nicht im Sacrament sey/
noch mündlich empfangen werde. Aber so helt sich
diese Sache. Es ist geschehen fur zwenzig oder zwey
vnd zwenzig jaren / da ich anfieng die Messe zu ver-
damnen / vnd hart wider die Papisten schreib / das sie
nicht ein Opffer noch vnser werck / sondern ein gabe
vnd geschenck oder Testament Gottes were / welches
wir Gotte nicht opffern kündten / sondern von Gott
empfangen solten vnd musten / Gleich wie die Tauffe
nicht ein Opffer / sondern eine gnedige Gottes gabe
were etc. War ich zur selben zeit wol dazu geneigt / die
Eleuation abzuthun/ vmb der Papisten willen / die es
ein Opffer vnd werck/von vns Gotte geopffert / hiel-
ten/wie sie noch thun / vnd vber sechs hundert jar bis
her gethan haben.

Aber weil zu der zeit vnser Lere new vnd vber
die massen ergerlich war in der ganzen Welt / muste
ich seuberlich faren / vnd vmb der Schwachen willen
viel nach lassen / das ich hernach nicht mehr thet / lies
also die Eleuation bleiben/ weil sie doch eine gute deu-
tung haben kundte/wie ich im Büchlin de Captiuitate
Babylonica schreib/ Nemlich/ Das es were ein alter
brauch aus Mose genomen / vnd bey den ersten Chris-
ten fur vnd fur blieben. Denn was Mose vom Thru-
pha vnd Thruma, sonderlich Deuteronomio 16.
E schreibt/

schreibt / kan nu ein jglicher Leye in der Deudschen Bi-
blia lesen / das es nicht Opffer gewest sind / Gott zu
versünen umb die Sünde / wie die Papisten ire Mess-
opffer hielten vnd verkaufften auff's schendlichst etc.
Sondern eitel Danckopffer oder danckfagung für die
empfangen güter des Lands etc.

Ach were das eine feine deutung / das der
Priester mit auffhebung des Sacraments nichts an-
ders thete / Denn das er die wort verkleret (Das ist
mein Leib) als wolt er mit der that sagen / Sehet / lie-
ben Christen / das ist der Leib / der für euch gegeben ist /
das also das auffheben nicht ein zeichen des opffers /
(wie die Papisten narren) gegen Gott / sondern eine
vermanung were gegen die Menschen / sie zum glau-
ben zu reizen / sonderlich weil ers so eben auff hūbe bald
nach den Worten (Das ist mein Leib für euch gegeben)
Vnd doch nicht einen Buchstaben vom Opffer da-
bey meldet / Solchs findestu im Buch de captiuitate
Babylonica.

In dem ich so dencke vnd bleibe / poltert vnd rumpelt
wider mich herein Hans vnuernunfft D. Carlstad
mit seinen Himlischen Propheten / vnd lesst wider vns
ein Büchlin ausgehen / darin schalt er vns Witten-
berger / Christmörder / Christkreuziger / newe Papisten
etc. vnd machts sehr grob vnd vnesse. Hatte doch keine
andere vrsachen / Denn das wir das Sacrament auff-
hūben. Solch auffheben deutet er / geopffert / Weiter
deutet er geopffert / so viel als Christum gecreuziget /
ermordet / geschlachtet vnd viel erger gehandelt / weder
die Jūden je gethan hatten.

NW wuste er sehr vnd aus dermassen wol / das
wir Wittenberger das Sacrament nicht ein Opffer
hielten / Sondern hatten nu fast bey drey jaren wider
die

die Papisten gestritten / das es nicht ein Opffer sein
noch heissen kündte / Sondern eine gnedige Gabe vnd
Testament Gottes (wie droben gesagt) Vnd wir im
nicht zu dancken hatten / der Lere / das das Sacrament
kein Opffer were / Denn wirs so lange zuvor von im
nicht gelernt / Sondern er vns zu dancken hatte / von
welchen ers gelernt hatte / sonst were es vielleicht in sei-
nen Kopff nimer mehr gefallen.

Da ich nu solchen tollen Geist toben sahe / wider
vns / on ursache / das er vns wolt Sünde machen / vnd
so grewliche Sünde / da doch keine Sünde war / noch
sein kundte / Fuhr ich zu / vnd behielt die Eleuation /
demselben Teuffel eben zu wider vnd zu verdries / welche
ich doch geneigt war / fallen zu lassen / wider die Papi-
sten / Denn ichs nicht leiden wolte / auch noch nicht
wolt / das der Teuffel mich etwas leren solte in vnser
Kirchen zu ordnen / oder setzen. Sonderlich auch dar-
umb nicht / das mir solte ein solch scheuslich Gewissen
gemacht werden / als hette ich Christum ermordet / ge-
kreuziget / geschendet etc. wo ich die Eleuation hielt
vnd nicht abthet / wie der tolle Geist furgab / vnd umb
solches bösen Gewissens willen / müste vnd gezwungen
würde / die Eleuation abzuthun Nein / nein / solches ge-
wissens war ich vnschuldig / das wuste ich fur war / vnd
kundte michs nicht annemen / so wuste ers auch wol.

Denn ehe ich solch Gewissen wolt annemen /
oder auff mich laden / das ich darumb müste die Eleua-
tion fallen lassen / das ich durch dieselbigen mich einen
Christmörder / Kreuziger / Hencker / achten solt / wolt
ich noch heutiges tages die Eleuation nicht allein be-
halten / Sondern / wo es an einer nicht gnug were /
drey / sieben / zehen Eleuation helfen anrichten. Dar-
umb wolte ichs frey haben (wie es denn auch ein frey

E ij ding

ding ist vnd sein mus) darin kein Sünde geschehen
kündte/man hielte oder liesse es fallen.

Als dieser vrsachen ist die Elevation bey vns
blieben. Denn was frey ist / nemlich weder geboten
noch verboten / darin man weder sündigen noch ver-
dienen kan / das sol in vnser macht stehen / als vnser
vernunfft vnterworffen / das wis mügen / on alle sünde
vnd fahr des Gewissens brauchen oder nicht brauch-
en / halten vnd faren lassen nach vnserm gefallen oder
notdurfft / Vnd wollen kirkumb hierin freie Herrn
vnd nicht Knechte sein / die es mügen damit machen /
wie / was / wo vnd wenn sie wollen / Vnd nicht ge-
zwungen sein abzuthun / bey solcher schwerer / grosser
schrecklicher Sünde / wie Carlstads geist wolte / Auch
nicht zu halten / bey verlust der Seelen seligkeit / wie des
Papsts Teufel wil / Sondern sol heissen / Wiltu es
nicht auffheben / so lasse es ligen. Wiltu es nicht ligen
lassen / so hebe es auff. Was fragt Gott darnach?
Was fragt mein Gewissen auch darnach? Eben so
wenig als der Altar darnach fragt / ob du es drauff
heben oder legen wilt / gilt jm gleich viel.

Dennach haben die Sacramentsfeinde nicht vrs-
ache zu rhümen / als theten wirs jnen zu willen
vnd dienst / das wir die Elevation fallen lassen. Vnd
sols niemand dafur halten / das wir vns damit wollen
zu irem lesterlichen irthum neigen / viel weniger bege-
ben / Sondern wollen sie bestendiglich vnd festiglich /
fur Gottes vnd vnser verdampfte feinde halten / Vnd
nicht sampt jnen Christus wort leugnen / schenden vnd
verkeren / als müsten wir von jnen lernen Brot essen
vnd Wein trincken / Welches wir wol / on Christus
Abendmal thun können / Vnd die ganze Welt teglich
on Gott allzu viel thut.

Sondern

Sondern das ist die einige vrsache / das wir
das auff heben lassen anstehen. Weil fast das mehrer
teil Kirchen lange zuuor haben das auff heben nachge-
lassen / So wolten wir vns denselbigen vergleichen/
vnd nicht ein sonders vben in solchem stück / das an
sich selbs frey vnd on fahr des Gewissens / stehen oder
liegen künde. Sonderlich / weil ich von anfang dazu
geneigt / vnd gewislich zu der zeit gethan hette / wo
nicht Carlstad solche grewliche sünde draus gemacht
hette / wie gesagt ist. Denn wo es sonst on sünde vnd
fahr / oder on ergernis geschehen kan / ist gar fein / das
sich die Kirchen / auch in eusserlichen stücken / die doch
frey sind / vergleichen / wie sie sich / im Geist / Glauben /
Wort / Sacrament / etc. vergleichen / Denn solches
stehet fein / vnd gefellet jederman wol.

Wch darumb / das solche vngleichheit / weil sie
vnndötig ist / sehr ehlich sihet einem Schisma / vnei-
nigkeit oder trennung der herzen. Denn von anfang
der Kirchen / haben die Ceremonien viel vnlusts in den
Kirchen angericht / Als / das Osterfest richtet ein solch
wesen an / das wenig Kirchen mit einander drüber ei-
nes sinnes waren. Vnd der Bischoff zu Rom / Vic-
tor / thet in den Bann alle die Kirchen in Griechenlan-
de vnd gegen Morgen / darumb das sie nicht mit der
Römischen Kirchen / auff gleichen tag Ostern hielten.
Aber er ward gestrafft vom Bischoff zu Lion Ireneo /
das er muste abstehen / vnd iglicher Kirchen ire weise
vnd tag lassen zum Osterfest / weil es on fahr vnd er-
gernisse nicht kundte vergliechen werden / Vnd kein
fahr drauff stund / ob Rom auff einen andern tag
Ostern hielt / vnd die Griechen auch auff einen andern.

Solches dinges ist viel mehr / darin sich die
Griechen mit den Römern nicht vergliechen / auch

noch nicht vergleichen. Vnd was thut das Bisthum
Meyland noch heutiges tages/welchs doch vnter dem
Papist in Welschenlanden ligt/da nicht allein die Ele-
uation / oder ein stücke in der Messe den andern Kir-
chen/sondern die ganze Messe vngleich ist / sonderlich
das es den kleinen Canonem nicht hat/vnd aller dinge
ein eigen weise helt in der Messe. Also das ich Anno
1510. Da ich dadurch zog/an keinem ort fundte Messe
halten. Vnd die Priester vns sagten / Nos sumus
Ambrosiani, non poteritis hic celebrare.

Vnd was darffs viel wort? Es ist kein Kirche
auff Erden / da so mancherley vngleichheit vnd weise/
in Gottesdienst vnd in den Kirchen ist / als eben in der
Römischen Kirchen / das zeigt nicht allein die erfa-
rung/Sondern auch die Bücher im geistlichen Recht/
welcher gar viel weniger weren/ wo mehr gleichheit in
der Römischen Kirchen blieben were. Aber es hat dem
Papist genühet/das viel oder alles vngleich zugienge/
wenn sie allein darin gleich würden / das sie in fur das
Heubt der ganzen Christenheit hielten.

Daher der Spruch vnter jnen gieng/ Si fueris
Romæ, Romano viuito more. Wenn du zu Rom
bist/ so halt dich Römisch. Also mag ich hie auch sa-
gen. Wenn du an einen ort komest/ da man die Eleua-
tion noch helt / so soltu dich nicht ergern noch sie ver-
damnen/Sondern las dirs gefallen/ weil es on Sün-
de vnd fahr des Gewissens geschiet / Vielleicht können
sie es noch nicht endern.

Aber dennoch ist ja feiner / vnd stehet besser/
das man sich des stücks in allen Kirchen vergleiche.
Vnd weil die Eleuation vngewoten/ vnd vnnötig ist/
als an Gottes gebot / von Menschlicher andacht her-
komen/So ist billicher/das man sich mit den Kirchen
vergleiche/

vergleiche / so kein Elevation haben / denn widerumb
mit denen so sie haben. Denn S. Paulus leret vns
trewlich allenthalben / das wir vleissig sein sollen/
gleich vnd eintrechtig zu leren vnd zu leben / vnd vns
hüten fur vneinigkeit oder vngleichheit / wo wir können/
Rom. 12. Habt einerley sinn vnternander / 1. Corint. 1.
Ich erinnere euch lieben Brüder / durch den namen
vnfers HERRN Ihesu Christi / das jr einerley rede
füret / vnd lasst nicht spaltung vnter euch sein.

Wd aber solchs nicht sein kan / so lasse das 14.
Capitel Rom. gehen. Verwirret die Gewissen nicht/
Einer glaubt / er möge allerley essen / Welcher aber
schwach ist / der isset kraut. Einer helt einen tag fur den
andern / Der ander aber helt alle tage gleich / Ein igli-
cher sey in seiner meinung gewis. Das Reich Gottes
ist nicht essen vnd trincken / sondern / Gerechtigkeit/
Friede vnd Freude im heiligen Geist. Darumb lasse
vns dem nach streben / das zum Friede dienet / vnd zur
besserung vnternander dienen. Des helffe vns allen
vnser lieber HERR Ihesus Christus mit
Gott dem Vater vnd dem heiligen
Geist / gelobet in Ewigkeit/
A M E N.



7-

Faint, illegible text in a Gothic script, likely bleed-through from the reverse side of the page.

Second block of faint, illegible text in a Gothic script, also likely bleed-through from the reverse side.




AB 153 927

(x 2090053)


5
17





JOH
D. MAR





Kurtz Bekenntnis

Doct. Mart. Luthers / vom
heiligen Sacrament / im 1544.
jar erstlich im Druck
ausgangen.

Wider die alten vnd neuen
Sacramentschwermere.



Wittenberg.

Gedruckt durch Hans Lufft.

1 5 7 4